

西 渡 詩 集  
附 補 遺

洪 炎 撰

本館據小萬卷樓  
叢書本排印初編  
各叢書僅有此本

# 西渡詩集

己酉十一月二十六日避寇至龍潭院十二月十五日作五首

宋 洪 炎 撰

徑轉橋橫水，林深寺據山。鐘魚告闕寂，松竹媚孱顏。避地欣有託，依僧成暫閑。東歸路不隔，片片隴雲還。  
突兀山椒寺，披榛二百年。刹從吾一作祖卜，席是里僧傳。溪送無盡水，林供不斷煙。囊中有餘粒，假息且安眠。

潭黑蛟龍宅，山青虎豹林。隱憂何日了，淹泊見冬深。薄雪恨還積，疎梅冷不禁。平生一樽酒，衰病一作廢孤斟。

殺氣纏中土，妖徵出秦階。架橋凌禹穴，投策暗秦淮。匪兇歌何苦，非熊願亦乖。申胥雖有淚，無地寄予懷。  
宵旰憂雖切，咨謀策靡長。築壇推騎劫，假節得糜芳。已矣重江險，哀哉古豫章。蓬茅今在否，矯首恨難忘。

次韻鄭公實見贈二詩

鄭侯風槩似虞薰，醉飽初疑對苾芬。一日君嘗南浦水，六年我踏寶峯雲。詩情賦物已聞命，山色溪光儘見分。羣盜何曾念王粲，相逢聊喜見斯文。

百濯生香眞寶薰，中泠取水挹清芬。素娥影落秋宵月，白鶴翎翻春晝陰。俗客來依禪客住，林花自與雨

花分扶傾不假迂儒力。敢倚筆端能綴文。

寶峯讀駒父壁閒詩次其韻二首

兔迹通一綫。筍與度千尋。隔林見潭影。迎客有鈴音。梵唄出廣殿。飛舞來珍禽。履此勝絕境。一清塵慮心。仲氏趣元遠。造詣非尺尋。誰云干戈際。獲覩金玉音。七日南山霧。一鳴幽谷禽。依然拂塵壁。愁絕見予心。

次韻公實感寓

求田問舍轉頭空。十口無家寄粟篷。得失自憐嬰世網。是非都欲問天公。綿綿不解溪邊雨。浙浙無情松下風。賴有詩人排悶作。且吟佳句任窮通。

次韻公實雷雨

驚雷勢欲拔三山。急雨聲如倒百川。但作奇寒侵客夢。若爲一震靜胡煙。田園荆棘漫流水。河洛腥羶今幾年。擬扣九關牋帝所。人非大手筆非椽。

次韻公實喜晴二首

凍雨連三日。春膏過一犁。寺橋杯渡水。村徑橈行泥。煥若生陽谷。寒收豈石犀。欲窮洪範理。夕室有青藜。持壁還投鵠。鎔金恨作犁。行吟乘曉日。扶杖入春泥。願學懷文豹。終慚禿角犀。徒歌無好語。野飯只羹藜。

馬太冲置酒卽事次公實韻

故人同客寓。蕭寺近清明。春事一尊酒。夜闌三尺檠。風流孔北海。文字漢西京。苦勸加餐飯。年來太瘦生。

山中聞杜鵑

山中二月聞杜鵑，百艸爭芳已消歇。綠陰初不待熏雨，啼鳥區區自流血。北窗移燈欲三更，南山高林時一聲。言歸汝亦無歸處，何用多言傷我情。

寶峯筍用公實韻

繞寺千林筍，高低逐澗邱。參差舒鳳尾，突兀長貓頭。入鼎資甘脆，殘林且罷休。會須堪小艇，裁作海乘浮。公實示開字韻詩，悵然有感，次韻奉和三首。

晴暉生煥雨生寒，朱夏陽春季孟閒。斷雁哀猿金馬客，落花流水石門山。早知蟻穴成何事，欲棹漁舟去不還。昭代有琴無作止，虧成都任一機關。

輒笑人歌行路難，畏人無地出人閒。欣逢北海孫賓石，猶是江南庾子山。野草離離隨意綠，羣兔泛泛倦飛還。一川煙草松蘿外，何處梯雲叩九關。

此國非燕南趙北，我琴無濮上桑閒。勞生聊作夢中夢，苦雨莫酬山復山。觸石白雲數峯起，照人明月一鉤還。德星已爲荀陳聚，紫氣休浮函谷關。漢末童歸燕南垂趙北際中央，不合大如礪，惟有此閒可避世。

載酒邀公實同過西園食枇杷次公實韻

有美枇杷子，三珍共一時。朱櫻梁苑早，盧橘蜀都遲。載酒寧辭病，窺園似好奇。酬君要佳句，從古未題詩。

公實再賦枇杷之什次韻二首

連雲葱蘢外。佳樹枇杷林。味極東南美。恩知雨露深。山夫啄粟玉。谷鳥避丸金。永日羈棲意。茲焉一慰心。  
醞酥尊中酒。枇杷雲外林。甘飡千顆盡。軟語一盃深。老境宜扶杖。交情得斷金。遺民伐荻去。真處卽吾心。

公實作暴雨詩次其韻

民生唯播殖。天意在農深。一夜盆傾雨。千家粒食心。知時占聚蟻。催種有鳴禽。喜是田閒語。青青刺水鍼。

次韻卽事二首

自愧山林士。來炊蕭寺煙。怨驚寄猿鶴。飛躍任魚鳶。咄咄空中字。昏昏醉後眠。攜文非孟子。何以差狂顛。  
寄榻逢僧夏。登場喜麥秋。一風將浹日。四月尙重裘。去矣吁何及。歸與幸少休。雨晴寒自戢。桂魄更添愁。

次韻野步

意行無遠近。山徑自橫斜。煙月生晴嶺。風幡接暮霞。影歸巢幕燕。聲散宿林鴉。屣履相隨處。僧垣卽是家。

遊都梁山

風吹古坂口。雲滿都梁山。執熱厭偃仄。幽尋上孱顏。清泉似石乳。滴瀝崑寶閒。乞此一瓢飲。爲卻千載煩。  
山靈知我意。殷然下層巒。散空作急雨。抉石出甘寒。一酌蕩幽顛。三咽縈肺肝。輕軀變滯骨。塵鞅思靈關。  
來常踏雲至。去常御風還。再拜謝神休。幸汝不我慳。

四月二十三日晚同太冲表之公實野步

四山蘊蘊野田出。近是人煙遠是村。鳥外疎鐘靈隱寺。花邊流水武陵源。有逢卽畫元非筆。所見皆詩本。

不言看插秧。栽欲忘返。杖藜徒倚到黃昏。

野步

散策尋溪偶緩行。羈縻愁眼忽雙明。非煙幕幕平蕪合。倒景層層遠翠橫。鷗鷺低飛映山去。江湖一諾百金輕。直知已造洞天內。身在人閒卻自驚。五六句有誤字

石門中夏雨寒

五年敵騎擾中原。四月江南尙薄寒。入月誰能移太白。來朝我亦見呼韓。灌壇風雨行將戢。隨巷箆瓢且自寬。紅日再中天地正。泥塗不辱漢衣冠。

次韻卽事一首

端居入夏愁更新。不數多愁過一春。躡虛難同若士去。取醉但與索郎親。朝天幾日車同軌。盤地共唱胡無人。自許世才非管樂。聊將心事比雷陳。

嘗白酒用糜韻

竹葉榴花久擅場。一尊雲液勝椒漿。人惟任達常中聖。藥自消憂不作狂。滿泛冰盞無別色。錯斟瓶水有真香。祇應剩醞逡巡酒。始耐仙山日月長。

病閒和公實飲酒詩

憂每傷人人亦憂。花蒙兩眼雪蒙頭。干戈滿地不可觸。囊笠爲家何處浮。秋入鳴蟬催暑去。酒如凝露與

清謀寫成庾信江南賦。更續相如老倦游。

戲和公實感秋對酒

青山愛客長青眼。白酒知時泛白雲。少日悲歡纔一瞬。中星寒暑又平分。稻梁狼籍餘棲畝。雀鼠穿窬自立動。一葉已驚秋意早。映階黃落更紛紛。

次韻公實七月一日雨感懷二首

平生離俗得閑多。素髮驚秋柰老何。賓從盤殮唯白石。意行供帳有青蘿。御風獨往松三徑。踏月空歸雪一蓑。短布單衣窮至骨。醉吟不作飯牛歌。

日日愁隨萬緒多。遣愁不去若愁何。文書引睡繙黃卷。福地求生訪綠蘿。酒厭銀瓶聊注瓦。衣辭錦襖卻披蓑。五更風雨作金石。助我貫珠商頌歌。  
韋莊蜀程記入嘉陵道上。如行青羅帳中。福地記。武陵有綠蘿福地。與桃花源相接。

將去寶峯誦老杜更欲投何處賦五言三首

更欲投何處。乾坤老病身。窮愁但有骨。棲泊渺無津。巖穴探幽藪。人煙隔幾秦。驅車上九折。回首想傷神。更欲投何處。窮猿不擇林。低回竹柏語。慘戚鐘魚心。邑邑出門淚。行行度嶺吟。西江如可吸。在處海潮音。更欲投何處。仙山不可窺。欲尋吳許跡。默與綺園期。裹飯隨妻子。清秋問路岐。神真有汲引。逸駕或容追。

弈棋絕句二首

新秋遣悶只圍棋。病不銜杯亦廢詩。對局蕭然兩無語。箇中君子有爭時。



鷺落寒江鷄點汀。晴窗飛電擊繁聲。方圓動靜隨機見。清簟疎簾眼倍明。

再賦二首

白日惟銷一局棋。攬棋還誦李侯詩。傍觀不作千年計。會有局成柯爛時。  
碁局醒心過博局。棋聲娛耳勝琴聲。少年此戲殊不惡。坐隱時閒夜達明。

再賦弈棋五言八句五首

荆璞玉爲子。井文楸作枰。有求唯別墅。不喜得宣城。跼跼飛鷺墮。丁丁伐木聲。破愁逢一笑。無地著虧成。  
祇園三日雨。碧澗一杯秋。試問井中趣。何如林下幽。從他著虎口。尋我鎮神頭。惟悟爭先法。當機與手謀。  
不作丹朱戲。難禁清晝長。敢言白玉局。聊取紫羅囊。角道空傳記。乘除自有方。兒童爭畫紙。謾學老夫狂。  
眉山非快手。弈勝亦欣然。變態一翻覆。幾微繫後先。陶公慮太過。雪女慧堪憐。張弛誠吾道。斯文許爾賢。  
凝神迷遠躅。致一有全功。皎皎婦姑月。冥冥鴻鵠風。置君愚甯子。議樂陋溫公。誰謂商山老。飄然到橘中。

越王山二首

朝登萬仞岡。夕宿雲霞間。越王昔何時。稅駕宅此山。山頗有石室。險絕未可攀。煙樹相映帶。尙想懸輪還。  
文吳二仙子。騰蹕跨兩班。俯仰五百秋。下視悲人寰。王室久蕩析。世路方孔艱。我真仙人居。荷鋤支蓬菅。  
林泉依福地。樵汲闔靈關。庶以遠兵革。返茲後死顏。

越王名茲山。無復車馬跡。絕頂有佳處。軒然大磐石。靈洞闔其中。神池蕩其側。雲氣朝夕生。合散一瞬息。

吾聞王子搜。隱遯辭越國。玉輿去不返。丹□鑿荆棘。二仙出季世。故老猶記識。遺蹤落人間。不稽傳寶墨。我歸伯夷清。願作老聃役。脫身埃壒外。抃喝□三益。

嶺雲

吾居半山上。繞屋猶峻嶺。舉頭卽見之。坐臥作墻屏。忽復不可求。瀕洞雲萬頃。初疑岸谷變。身不踐人境。俄頃如故常。突兀在屋頂。隱見須臾閒。變態莫記省。煙霞成痼疾。終日常炯炯。早閱金丹訣。未辨卜筮井。世亂一邱壑。斯志或可逞。鳴猿落空巖。翫鶴颺晴影。石泉漱芳潤。草木皆秀整。洞天有歸路。未往心已領。從寶峯長老惟足求。貓頭笋。

金榧子

不識貓頭笋。還思馬祖山。庭蘭生舊苗。棚錦換新班。蘊玉爭懷寶。登盤想飫餐。分甘須剩剝。遠助一瓢筵。若石一作榴資彭糧。榧實伐彭兵。三彭穴身中。各以尸自名。伺隙戕所託。睚眦爲已榮。仙山無凡木。榧林高且清。八月實纍纍。斗量亦囊盛。盈盤得恣食。不與汝糧并。嗟汝小黠爾。安所逃汝生。蚤讀黃老書。五牙漱琅英。雖微玉山果。知汝久已行。喪亂食不作。長飢病所嬰。蟠桃未能致。橡栗庶可營。作詩頌子榧。期子以主盟。

十月十五日山中下視雲氣自山椒出已而瀾漫咫尺不辨巖谷戲成五言一首

一歲下元日。千山小雪天。雲層生遠壑。雨滄割平川。放牧虛橫吹。樵蘇樂靜眠。遙知載酒客。無路到齋前。

十月十六日

雲氣依然合山蹊舊不通。齏鹽猶可問。牢醴頓能空。細篔泉聲外。疎籬犬吠中。無人披宿霧。採藥過龐公。

南城鄧氏亭

小麥青青山一曲。江南千里傷春目。盱母江頭喚渡人。遙指麻源第三谷。裹鹽包飯各忽忽。回首煙霞樓觀中。詩成更覓羊何和。猶是前身內史公。

遊麻姑山仙都觀

涖露出南郭。遵塗眇西嶺。幽尋不憚遠。陡巘造殊境。懸瀑瀉天路。高齋跨參井。麻姑固神人。上下洩倒景。逸駕不容追。遺蹤搏塵影。仙壇獨巋然。蘚蝕此山頂。古屋鳴鶴鶴。汗池育蛙黽。葛顏有異聞。源委邈難省。空餘豐碑字。焮若猊驕聘。永言賞心遇。所樂塵霧屏。濯纓欲自孔。斲鼻還思郢。安得斯人徒。置論挈裘領。聖真豈遠而。炯炯金在鏡。九州孕明月。七返闕神鼎。至道如可求。汲深願修綆。

靜思院上元日二首

姑麻山換越王山。憶昨下元今上元。老去休驚長客寓。春來不擬問田園。畏途豺虎中原近。挾日風雲四海昏。夢遶瀟湘無落處。憑誰楚些與招魂。欲趨嚴蹕萬重山。且酌清尊慶改元。穉事何時銷劍戟。賢書不用到邱園。傷心華屋燈如畫。觸眼荒塗犬吠昏。今日江東須管仲。可憐窮寇尙遊魂。

雲漢院

水竹依山住。煙霞並舍分。愁添中夜雨。冷浸一溪雲。滿目干戈地。關心鳥獸羣。歸途如可問。猛犬莫猜猜。

二月十二日偶成

金谿東行二十里。高卽登山下臨水。亂山中斷水橫流。水際招提對山起。丹青像設半泥塗。野僧一飯無鐘魚。散策閑尋筍蕨芽。密林時逢桃李花。

信州逢寒食

客行寒食路。春晚上饒城。野寺烏烏樂。山蹊荆棘生。人隨口雁集。地隔一牛鳴。俛首征途內。官曹何日清。

題盛彥光邱壑軒

盛子卜居南澗濱。開軒自比葛天民。一邱一壑有能事。三浴三薰無俗塵。閑逐逸人同執射。偶逢漁父亦垂綸。此軒成毀吾何預。畫著崑閒恐未真。

代簡呈信州李使君

萬斛誰能破客愁。一尊風味乏醇醲。中丞自許憐漁父。鬪上無端住督郵。必使索郎頻有願。也知歡伯解消憂。蘇州刺史詩盈卷。還憶山僧冷病不。

曉發鵝湖

萬松參嶺路。千畝勸春耕。不復紅鵝下。空餘碧澗橫。佛肩穿縹緲。仙馭鑿崢嶸。道釋分殊境。籃輿許我行。

古田縣

勾吳於越通舟車。南走甌閩城百餘。繫山架橋窮奧區。班春不行猶一墟。此邦自與桃源並。不能深藏卽人境。五百年間閱戰爭。瀟樸散盡狙詐生。

次韻和古田縣丞方景南見惠詩

疎慵我似海鷗閒。文彩君如霧豹斑。不省流離思樂土。深知鄉往愧高山。低飛乳燕聲相接。小叩華鯨夢亦還。共看圍碁欲終日。忘年初在立談閒。

游石鼓山湧泉院

昔聞石鼓鳴。今作石鼓游。擊拊久已息。甲兵殊未休。精廬莊嚴海。百室雲霧浮。維時當長夏。蕭颯如涼秋。高崖不見日。老木枝相樛。靈泉發嵌竇。下注千仞溝。向來經行人。頗以名字留。俯仰百年內。磨鐫遍巖幽。石橋可坐臥。清絕無等儔。衆山合沓來。響答相獻酬。雖逢會心欣。未弭當世憂。不知稽山上。復有勝處不。六飛尙東巡。狐兔穴中州。戈鋌塞河洛。冠蓋集閩甌。墮此吠雪國。烈火爛不收。炎飈方焚翰。赫曦欲停輟。微生類焦□。茲焉得依投。一乘凌風翰。濯纓天漢流。

石湖院

古木參天水一溝。潮來曲折可藏舟。招提密映晴嵐起。滄海潛通夜氣浮。丹荔薦盤驚北客。赤鱗供饌識炎州。卻疑江左知名士。不作乘桴浩蕩游。

初食生荔枝二首

六月寓閩山。初逢荔枝丹。斂紅分顆顆。凝白作團團。品目誠無限。珍甘擬亦難。不勞走馬使。安坐得加餐。獨擅東南美。誰知十八娘。笑顰俱有味。朱粉不迷香。璀璨珠生掌。清冷露入囊。風流須第一。飮座每難忘。

秋日登萬歲寺平遠臺次糜韻

山川信美自愁多。嶺海途窮可若何。倦客難尋越絕記。畸人但唱郢中歌。天香不入伊蒲塞。佛水猶開優鉢羅。還是浮雲輶白日。鳳皇臺上一經過。

戲次韻和了信上座

天公下觀戲魚龍。分披物隳昏宗。塵沙欲枯□□眼。酒醴難澆磊塊胸。會稽之南曰閩海。東行萬里因雄風。二兒得邑古長樂。意擬分治三山中。門張雀羅卽我室。弔影不識求羊蹤。擔簦挾卷者誰氏。捉筆言詩有此公。紛紛道傍皆苦李。辛酸交攻無復理。入林初聞薜蔔香。知味自覺醍醐美。今時杜陵見老人。他日湯休望吾子。我觀蓬壺纔一水。桐柏羅浮相對起。赤烏銜符得寶書。青鳥拂簷來報喜。君能無事如懶殘。吾兒倘不慙張底。

題團欒圖

一老滅塵慮。七兒同靜緣。境超法界觀。身作地行仙。男女非殊相。丹青亦浪傳。襄陽聚首話。猶是在家禪。

社日宇文德和送酒次糜韻

羈游苦自澤藏山。老境難希藥駐顏。日日尋春穿窈窕。行行止渴漱潺湲。忽逢歡伯來傾蓋。無數愁城盡斬關。多謝天公愛狂客。九衢忙裏獨偷閑。

次韻許子大王豐父圓明送春之什

鷓鴣能愁物外人。芳菲聊借夢中身。要知瓊刃非凡骨。信有金庭不盡春。伯雅相將浮鴨綠。素娥應供踏蟾銀。休驚麗句同仙授。王許從來侍帝辰。

次韻許子大李丞相家牡丹芍藥詩

仙丹麗質冠年華。復有餘容殿百花。看取三春如轉影。折來一笑是生涯。綺羅不妬傾城色。蜂蝶難窺上相家。京國十年昏病眼。可憐風雨落朝霞。

福州程使君止戈堂二首

甌山閩海兩高深。幕府同開閱古今。堂號止戈賢守意。郡名長樂聖君心。行看鑄劍爲農器。卽有飛鴉集泮林。比日東南是洙泗。喜聞絃誦發清音。

跳梁山谷有頑民。電掃風除一聚塵。排闥江山千里眼。滿庭桃李四時春。定知當口思龔遂。政恐攀輿借寇恂。誰是諸侯老賓客。酣歌應許杜陵人。

聞師川諫議至漳州作建除字詩十二韻迓之

建武下詔書。海嶠識明主。除吏得陽城。所喜逸民舉。滿腹懷經綸。筆開含露雨。平生相期心。中與爾乎取。

定交自疇昔。契闊及再暑。執熱子南來。五月憩漳浦。破啼謀一笑。預置風月俎。危言倘可陳。正學常盡吐。成虧在須臾。得失宜熟數。收功謝王魏。取道迹傅呂。開茲衆正路。慰彼蒼生苦。閉關拒他盜。拂席招巢許。坐上呈師川。有懷駒父。

上坡諫議立清班。入奉威顏咫尺天。仲氏三山久憔悴。徵君五嶺亦連遄。欣逢白鶴歸華表。更想黃龍出羽淵。客舍一尊雙淚落。相陪里社復何年。

師川見和再用元韻

河洛中秋已凜然。甌閩八月尙炎天。方懷許國忠言切。不計歸途道里遄。子產未能忘季札。太阿應必待龍淵。樹人樹木有明算。誰謂百年同十年。

鉛山縣石井院

兩年再踏鉛山路。今日初嘗石井泉。碧玉岩邊淪湯餅。全勝五鼎擊肥鮮。

初入浙中三首

松竹籠官道。牛羊食野田。岳山低送客。蕩水遠含天。乍聽吳兒語。初逢僮父船。平生足未歷。聊以慰華顛。我生豫章泐。游宦在京華。百粵非吾土。三吳亦爾家。客星嚴瀨釣。西子越溪紗。一洗眵昏眼。如乘上漢槎。山村柿栗熟。客舍稻粱秋。池足能言鴨。蹊多喘月牛。如聞息戰鬪。剩欲起歌謳。鼓楫臨江誓。誰爲祖豫州。

立秋日上饒郡偶成二首



承明非厭直。衰疾自投閑。江漢蒸炊內。盤盂□□閒。層冰萬里夢。謁帝九重關。願借搏風翼。追遊物外山。平生逃暑飲。病著不濡脣。熨齒甘瓜冷。流匙香粒勻。加餐雖意決。對案已眉顰。卻歎廉頗老。猶爲善飯人。

盛彥光次韻見和復用前韻因以自歎

星織烏同織。鶴閑鷗亦閑。問君離俗久。何事落人閒。未伏秋無雨。殘歆晝掩關。寒泉聊洗耳。清冷似吾山。涼颺將透齒。烈火謝焦脣。壁織梭梭應。簷珠顆顆勻。隱憂成獨樂。淺笑換深顰。更上藐姑射。問途冰雪人。

夢中作四言用前韻

事有怕愛。語分忙閑。左右前後。內外中間。青雲千里。紫氣浮關。五星東井。微臣北山。鸚鵡珍腿。猩猩美脣。體齊調適。芍藥和勻。老商嬉笑。西施解顰。捲龜若士。翳桑餓人。

再次四言韻

執虎入圈。繫驥在閑。志六合外。身十畝閒。組繫單于。泥封函關。樂我叢桂。淮南小山。魯兄衛弟。虞齒虢脣。倚伏相因。否泰惟勻。履茲艱虞。慎厥笑顰。水清見石。天定勝人。

三次四言韻

入聖有域。存誠以閑。德不德上。材不材閒。堂不上糞。門設常關。鄙哉邱垤。覆篑爲山。編貝皓齒。含朱絳脣。甄陶圓熟。琢削細勻。不笑不言。倚席以顰。商略有此。爲若而人。

秋分日偶成

洪崖山下一臞儒。碧玉岩邊抱病夫。永日脩然無復事。人欺憔悴鬼揶揄。

曾仲共和予春日登滕王閣詩。蓋舊詩也。復次韻。

西江東畔見江樓。江月江風萬斛愁。試問海潮應念我。爲將雙淚到南州。

案舊詩見菊坡叢話云。洪玉父舍人有侍兒曰小九。知書。能爲洪檢閱。洪甚愛之。嘗月夜登滕王閣。洪賦詩云。桃花浪打散花樓。南浦西山送客愁。爲理伊州十二疊。綬歌聲裏看洪州。後因兵亂失之。洪恨不已。又和前詩云云。已而洪復尋得其人。

蠟梅

見江樓下蠟梅花。香撲金樽醉落霞。獨倚東風如夢覺。一枝春色別人家。

人日

開歲逢人日。吾衰不夢周。家書生遠恨。客舍起離憂。朔雪驚南服。江梅笑隴頭。誰能結綵勝。一爲散春愁。

鍾乳

鍾乳宜爲粉。扶衰老所便。絨藏鵝管細。治鍊玉口堅。石髓誠難值。雲腴恐浪傳。刀圭聊已疾。未敢議真仙。

葉少蘊出示鄭先覺閱駿圖爲作長歌

丹青得名曹將軍。畫馬已來無復人。諸生韓幹受曹法。絕足亦傳沙苑真。儒林望郎李公麟。曹韓復生能與鄰。心胸可納天西極。紈素頻空冀北羣。鄭生晚識李侯比。自許筆端輕萬里。山川初出大宛城。翰墨猶沾渥洼水。汗血歎沙指顧閒。霧鬣風鬣卷中起。戲成十馬皆龍材。前有飛黃後山子。葉公好尙有祖風。苦愛真龍似畫龍。千金不惜市駿骨。睥睨神物秋豪中。英雄嘗聞妾換馬。意氣欲將詩換畫。詩工畫妙兩奇

嶺谷量馬觀未論價。公詩自是生驂騑。恨公不身親李侯。向來曹韓空白頭。

和曾仲共大風折木歌

疾風岌業土囊口。陽崖中裂陰崖吼。南山喬木大百圍。頃刻剪伐如斷白。修枝偃蹇擲龍蛇。直幹崩口塞巖岫。干雲蔽日埽地空。掣電奔霆翻覆手。山靈掩泣惋惜深。匠石含悲涕洟久。折臂而公鯨而王。精金當鎔玉當剖。斷木剝爲浮海航。路指銀河上牛斗。委餘猶得宮殿材。瑣細亦蒙梁棟取。萬斛之舟可勿論。大厦併幪此焉有。狂飈卷空欲奚爲。壽弊金石長不朽。天生大材將有用。乖逢相因孰先後。嗟爾乾楓與枯柳。摧抗一作折爲薪尙誰咎。

楚州阻水漲懷汪信民呂居仁二士四言

大江北理。長淮西口。厥隩射陽。城邑嶽峙。鑿渠而漕。首淮江尾。舳艫呵峨。連檣千里。青雀翩翩。彩虹嶷嶷。梁躅舟跡。限茲潢水。昔我至止。得二國士。簞瓢相樂。汪呂氏子。于今幾年。乖隔生死。梗泛萍飄。乃復于此。菱花淨吐。鷺羽徐起。如欲我留。眎睠以喜。俯仰山川。感念成毀。一瞬千古。寓非予恥。

奉送駒父師川二郎中赴召四言

火中暑退。庚伏在婁。赫熾方炎。金石欲流。之二大夫。服章紆紆。文昌臺郎。祇命是憂。中江有軸。中涂有輶。風檣雨穀。長夏爲秋。白雲在天。峯如巖邱。倏忽西東。不我告謀。翩翩者鵠。俯矚魚游。將逝復止。矯影河洲。嗟予去國。三葛于休。止車生耳。永謝鳴驥。揮袂江干。長嘯林幽。

遷居

從宦三十載。故山凡幾歸。昔歸尙有屋。再歸已傾欹。今歸但喬木。竹落荆薪扉。上爲烏一作鶴。鳥都下爲犬。雞栖相彼東北隅。三畝以爲基。積塊與運甓。實窪而培卑。一作庫成茲道傍舍。空我囊中貲。堂室敢卽安。戶牖適所宜。嘉樹三四株。當窗發華滋。馨香入懷袖。似與遷徙期。我今六十老。豈不知前非。咨謀愚見捨。就列筋力微。竊食奉祠祿。永負伐檀詩。松楸幸在望。鄰曲不見遺。葛巾隨里社。庶以保期頤。

案宋詩紀事。豈不知前非下云。骨相自不媚。況復筋力微。收此貧病身。與汝長相依云云。

次韻公實與用中夜話

賢哉鄭圃客。去爲五漿驚。解榻棲雲表。開窗納水聲。忽逢京國舊。相對夜燈明。歎息胡口老。猶思摘鐵漿。庚戌歲六月四日至洪城舊廬無復尺椽悵然傷懷用丙午歲遷居詩韻

南州一炬火。我歸無所歸。六月下鷲湍。一葉正復欹。空城何所有。城闕雙闔扉。遺甎四五輩。矚眙蟲鳥棲。潭潭大都府。灰滅餘空基。委重者誰子。汝實凡且卑。螻蟻傾民命。泥沙捐國貲。大狼肆噬嚙。殿遂乃其宜。胡爲使羣吠。如惡草蔓滋。哀哉三萬室。鍾此百六期。故居不可識。將是復疑非。階前手種花。自憐託根微。露草相對泣。吟風作悲詩。人言城門火。魚禍自靡遺。我亦無淚哭。且復一解頤。

# 西渡詩集補遺


玉女峯

玉女何時見。茲峯獨挺羣。古容餘佛座。虛室但鑪薰。林隱投壺電。山藏出岫雲。自慚非屈宋。欲賦不成文。

再任秘書少監

再入蘭臺逢舊史。重游東觀閱新書。家徒四壁今無屋。誰爲君王奏子虛。

右舊抄本西渡集一卷。與宋史藝文志陳氏書錄解題合。其補遺一葉。蓋後人增益也。欽定四庫全書提要。據浙江鮑氏知不足齋藏本。分上下二卷。補遺一卷。似別有一本。然此本首列提要。詩後間有附注。似卽四庫全書中案語。又原本末附洪朋詩九首。洪芻詩二十四首。記二篇。經四庫館刪去。今此本亦無之。然則卽館本矣。其何以仍爲一卷之故。致不可解。豈近人妄并以符宋史及陳氏所著錄耶。此集祇恃傳抄。不絕如綫。宜刊之以公同嗜。夢華錢培名識於采韻亭。



廿八年五月十九日  
商務印書館

編主五雲王

經初成集書叢

種一他其及注詩山后

中華民國二十六年六月初版

發行人

王

上海河南路

雲

五

印刷所

商

上海河南路

務

印書館

發行所

商

上海及各埠

務

印書館

(本書校對者朱鈞石)

九一七

徐



253